

欽定大清會典卷二十三

○凡相見有王公禮

親王。於外藩親王來見。迎

中門。主人西面。賓東面。行二跪六叩禮。乃坐。賓
之從官於殿外。行二跪六叩禮。入右門。賓後坐。
進茶。賓受茶叩。主人答飲茶敘語畢。從官趨前。
楹一叩先退。賓離坐跪叩。主人答。送至殿階下。
府屬官送於府門外。於外藩郡王。迎送不降階。
賓二跪六叩。答其半。賓辭退跪叩。答跪不叩。餘
儀同。於外藩貝勒。離坐迎。不出殿。賓入殿右門。
行二跪六叩禮。拱手立受。王坐正中。賓坐西旁。
辭退跪叩。立受如初。不送。餘儀同。於外藩貝子。
公。府屬官引至殿內。行二跪六叩禮。拱手坐受。
賓辭退跪叩。坐受如初。餘儀同。郡王。於外藩親
王來見。迎送大門內。升階。主人由東。賓由西。辭
退。各就坐。行一跪一叩禮。餘如親王儀。於外藩
郡王。如內外親王相見儀。於外藩貝勒。如親王
於外藩郡王。於外藩貝子。如親王於外藩貝勒。
於外藩公。儀如親王。貝勒。於外藩親王來見。迎

送府門外。賓先入。主人少後從。主人入門而左。賓入門而右。各行一跪三叩禮。從官亦一跪三叩。餘如郡王儀。於外藩郡王。如郡王於外藩親王。於外藩貝勒。如內外郡王相見儀。於外藩貝子。如郡王於外藩貝勒。其行禮皆一跪三叩。於外藩公。如郡王於外藩貝子。貝子。公。於外藩王貝勒來見。迎大門外。賓自西先行。主人自東少後從。各行一跪一叩禮。從官亦一跪一叩。送賓大門外。候乘馬。餘如貝勒於外藩郡王。貝子。於外藩貝子。如內外貝勒相見儀。於外藩公。如貝勒於外藩貝子。其行禮皆一跪一叩。公。於外藩貝子。如貝子於外藩貝勒。於外藩公。如內外貝子相見儀。五旗王公輪燕外藩王公。於元旦後擇吉。每旗一次。王府設席。外藩親王郡王貝勒貝子。公額駙各席一。台吉塔布囊等二人共席一。隨從護衛諸官十人共席一。每二席用蒙古羊一。三席酒一。餅。又用大蒙古羊三。主席以親王或郡王一人。本旗諸王貝勒貝子公陪燕。主人席西嚮。賓席東嚮。均北上。從官席檐下及露臺上。東嚮稍後。賓至。主人迎入。行禮序坐。視賓。

秩尊卑接
待如儀。

有統屬禮

親王生辰元旦該旗都統以下佐領以上官慶賀。行

二跪六叩禮。郡王生辰及元旦府屬官稱賀。行二跪六叩禮。貝勒生辰及元旦行一跪三叩禮。

皆聽各府選擇鳴贊贊唱行禮。作樂在京閣部院寺監屬官見長官初見公服詣署首領官引

至堂上呈銜名履歷於長官坐案。以次向坐三揖。長官避席答揖退。若燕見於大門外下輿馬

通名俟傳入見。長官迎於階下詣廳事。屬官北面三揖序坐。屬官東位西面。旅見則以次東西

面。長官位於西南東北面命坐。揖茶至。揖啓事畢。辭出。三揖。凡揖皆答。長官送於二門外。屬官

出大門少遠乘輿馬。公所白事。長官坐。屬官侍立。不屈膝。若事件繁多。屬官設褥席地坐。入旗

官於本署白事。都統副都統前參領侍衛藍翎侍衛及騎都尉以上之副參領署參領皆侍立。

佐領以下官雲騎尉以下之副參領皆屈一膝。驍騎校等官於參領前屈一膝。佐領前侍立。步

軍副尉。於步軍統領總兵前屈一膝。翼尉前侍立。步軍校城門領。於統領總兵翼尉前屈一膝。

協尉前侍立。公所白事。都統副都統前。男以上
官侍立。輕車都尉以下官屈一膝。管旗務之王
貝勒貝子入八分公前。叅領以下官屈一膝。佐
領係大臣兼攝者。從其品。係小京堂及科道等
官兼攝者。視叅領。係宗室。於八旗都統前皆侍
立。前鋒統領護軍統領前。前鋒叅領侍衛護軍
叅領侍衛以下騎都尉以上之各副叅領署叅
領。並視八旗叅領。雲騎尉以下副叅領署叅領
及護軍叅領署叅領。並視八旗佐領。前鋒校護
軍校視八旗驍騎校。八旗官白事於別旗各長
官。與本旗同。宗室管佐領白事於王公前。皆屈
一膝。順天府奉天府堂屬相見。府尹視督撫。府
丞視學政。治中通判視司道。經歷以下官視首
領官。其所屬州縣教官。見府尹視督撫。見府丞
視司道。見治中通判視府廳。奉天府屬官。見
盛京五部侍郎將軍視府尹。各省文職見長官
初見。具銜名履歷。公服詣署。司道見督撫。大門
外下輿。及儀門。由左門入。督撫迎於外堂。後屏
門內先行。司道從。升堂。北面稟叅。辭。三揖。命坐。
揖。督撫正坐。司道東旁侍坐。旅見則以次東西

面茶至。揖辭出。三揖。凡揖皆答。送至屏門外。司道三揖。俟督撫入門。復三揖。趨出。至大門外。乘輿。督撫次日。用名柬答拜。若公事謁見。常服具銜名手本。三揖就坐。餘儀同知府。直隸州知州。見督撫。不迎送。不答拜。府同知。通判。轅門外。下輿馬。餘儀皆同。見司道。司迎送於屏門外。道迎送於堂檐下。坐次。知府等東位。西面。司道於西南。東北面。餘如見督撫。儀司道用名柬答拜。州縣官。教官。直隸州州同。州判。見督撫。升堂北面。再拜。辭退。三揖。督撫皆立受。餘如府同知。通判。儀。見司道。不出迎。司送於階下。道送於屏門外。餘如知府。儀。見知府。迎送於屏門外。餘儀同。州縣。教官。見府同知。通判。迎送於堂檐下。餘如見知府。儀。直隸州所屬之知縣。教官。見知州。如見知府。首領佐貳雜職官。見督撫。司道知府。行一跪三叩禮。不揖。不坐。府首領縣佐貳等官。見同知。通判。如州縣。見知府。司道。雜職官。見同知。通判。直隸州知州。如見知府。見知縣。如州縣。見知府。見直隸州州同。州判。如見知縣。督撫新任蒞境。司道差役。於境內迎接一次。府州縣官於本管地。

十里內躬迎。其並不經由及經由離城十里以外之府州縣。概不迎接。司道以下等官到任。屬員準此。武職見長官。初見具銜名履歷。披執副將見提督。轅門外下馬。傳免披執。易公服帶刀。由左門入。升堂。北面稟。參。辭三揖。提督西面答揖。提督正坐。副將侍坐。茶畢。辭退。三揖如初。送至階下。常見用銜名手本。免披執。仍帶刀。餘儀同。見本鎮總兵官。迎於堂後屏內。送至屏外。坐次。副將東位。西面。總兵官位西南。東北面。餘如見提督儀。參將游擊見提督。行一跪三叩禮。畢。三揖坐。辭退。揖如初。提督皆起立答揖。不送。餘如副將見提督儀。見本鎮總兵官。儀同。若非本鎮。則如副將見提督儀。游擊見本協副將。副將出位送。餘如見總兵儀。都司守備見提督。初見披執。北面跪。自宣銜名。三叩。提督坐受。命坐。西面席地坐。不設茶。辭出。三叩。趨退。提督不起立。公事謁見。常服帶刀。不宣銜名。餘儀同。見總兵官。旁坐待茶。餘如見提督儀。見本協副將。不宣銜名。凡揖皆起立答揖。餘如見總兵儀。若非本協。則如游擊儀。見本鎮參將游擊。初見行庭參禮。常見。

三揖。參將游擊僉坐。都司守備旁坐。茶畢三揖。辭出。參將游擊出位送。凡揖皆答。餘如見副將儀。若非本幃則送至屏內。千總把總見提督總兵副將參將游擊皆不坐。餘如守備見提督儀。千總見本幃都司守備初見行庭參禮。都司守備答揖。常見一揖就坐。都司守備正坐。千總旁坐。茶畢趨出。餘如守備見游擊儀。若非本幃則送至屏門外。把總見都司守備初見三叩答揖。常見一揖旁坐。茶畢趨出。都司守備起立不送。餘如見游擊儀。各省駐防將軍以下所屬官見長官。如八旗官屬見長官儀。河道總督所屬官見長官。漕運總督所屬官見長官。各如文武屬官見長官儀。鹽運使鹽道見鹽政。如司道見督撫。運同運副提舉運判見鹽政。如府廳見督撫。鹽運使司經歷大使知事等官見本管上司。如首領雜職見上司。若鹽大使由舉人進士出身者見上司。如知縣儀。運同運判見運使。如府廳見司道。欽差關監督所屬派委稽察稅務之府佐貳見監督。如見道。教官見學政。如見督撫。行禮皆立受。又武相統屬提督見總督。由中

門入至儀門外下馬。總督迎於堂檐下。升堂三揖。總督正坐。提督僉坐。總兵官見總督迎送於階上。餘如司道儀。總督答拜。皆於堂檐前下轎。總兵官迎送出儀門。總督按臨出鎮閱兵。總兵官如司道初見總督之儀。總督將至。總兵官出城迎接。路旁打恭。隨至教場。候總督升座。總兵官上堂北面稟。辭。嚮上三揖。總督出座答揖。總兵官旁坐。事畢。總督升轎。總兵官在旁打恭。送至原接處。仍於路旁打恭。副將見總督。大門外下馬。田左門入。初見稟。披執。免。公服帶刀。常見。帶刀。均北面三叩。興。西面侍立。茶畢。三揖退。初見巡撫。稟。披執。免。行庭。參禮。辭。三揖。巡撫正坐。副將侍坐。常見三揖。辭。退。三揖。送至屏門內。參將游擊以下官見總督。稟。披執。免。行一跪三叩禮。參將游擊見巡撫。迎送至檐下。餘儀皆同。都司初見巡撫。以霜降日。皆披執。進。參。出。更衣入見。照司道例。打恭。常見。都司守備千總。免披執。行全屬禮。分。以標下中軍守備。掌印。專城。並道。標中軍及各營中軍守備。見巡撫。免披執。行全屬禮。皆不迎。守禦所千總。衛千總。行一跪。

三叩禮。兵備道所屬都司以下。俱行屬官禮。廳官有稽察錢糧之責者。其屯衛守備。行屬官禮。巴里坤理事通判。見領隊大臣。如府廳。見四品以下學政。儀回疆伯克。並土爾扈特金川番子。於所轄駐防大臣。每初一十五兩日。進署相見。平日不得私見。如有事面回。方許相見。阿奇木並四五品以上伯克。初見請安。初一十五進署。及有事面回。俱不叩頭。六品以下小伯克等。初見請安。平日不必叩頭。土爾扈特王貝勒貝子等。相見如常儀。台吉以下旁坐。隨行金川衆夷官。見大臣。雜谷腦屯弁。給與都司守備千總外委銜者。如綠營員弁例。明正各土司大小不同。如伯克例。其非統屬而行統屬禮者。司道運司。見提督。於儀門下轎。迎送於堂檐下。提督正坐。司道等官僉坐。提督答拜。於儀門下馬。迎送出儀門。知府同知通判。見提督。大門外下轎馬。由中門入。迎送至檐下。提督正坐。知府同知通判侍坐。見總兵官。二門外下轎馬。迎送至階上。餘儀及總兵官答拜儀。均如司道於提督州縣。見提督總兵官。大門外下轎馬。見提督由左門入。

不迎送。見總兵官。由中門入。迎送至檐下。提督
總兵官正坐。州縣侍坐。見副將。如見總兵官。免
三揖。八九品以下佐雜官。見提督總兵官。行一
跪三叩禮。分防標下中軍守備掌印專城並道
標中軍及各營中軍守備。見司道。大門外下馬
由中門入。迎送至檐下。直省司道以下官。見河
道總督漕運總督。如見督撫儀。見學政。若學政
係三品以上大臣。司道。如見督撫儀。知府直隸
州知州同知通判。由中門入。不稟參。迎送於屏
門外。餘如司道。見督撫儀。學政用名柬答拜。州
縣行庭參禮。學政出位答揖。送至屏門內。餘如
見督撫儀首領佐貳雜職官。如見督撫儀。司道
以下官。見鹽政及欽差官。均如見三品以
上學政儀。運使。見督撫如司道儀。運同。如知府
儀。運副。提舉。運判。如同知通判儀。府廳州縣見
織造。大門外下轎馬。由角門進。關監督與督撫
以下官相見。如副將儀。若係三品以上京堂職
銜者。如總兵官。府廳州縣。見子爵。如總兵官。男
都統。如總兵官。府廳州縣。見子爵。如總兵官。男
爵。如副將。輕車都尉。參領。如參將。騎都尉。副參

領如都司。雲騎尉並五品官如守備。協領。叅領。見督撫與司道同。佐領防禦等官與知府同。驍騎校與有賓主禮。京官敵體相見。賓及門。從者州縣同。迎於大門內。揖入。每門讓於賓。及階讓升。及門讓入。賓主皆北面再拜。興。主人爲賓設坐。西嚮。賓禮辭。揖。主人答揖。卒正坐。賓爲主人正坐。東嚮。揖如之。主人揖賓就坐。執事者進茶。賓受茶。揖。主人答。飲茶。敘語畢。賓告辭。揖。主人答。降階。賓辭。主人固請。送賓於大門外。視賓乘輿馬。主人乃退。尚書左都御史見大學士。均行敵體禮。賓降一等者。主人趨正賓坐。賓辭。賓還正主人坐。辭如之。餘儀同。二品以下京堂官。翰詹科道見大學士。迎於儀門內。送出大門外。不視乘輿馬。科道見左都御史。副都御史各部尚書。儀同。五六七品官見大學士。迎於堂階下。賓由東階升。主人導賓入。賓北面拜。辭。三揖。主人東面答揖。賓趨正主人坐。主人禮辭。固請。卒正坐。左還告坐。揖。主人答。賓西面。主人東北面坐。辭退。三揖如初。主人送於二門外。餘儀同。翰詹科道見

二三品官。如賓降一等禮。見四五品官。均行敵
體禮。順天府奉天府府尹與府丞相見。奉天府
尹與盛京將軍相見。儀皆同。直省文武官敵
體相見。賓至署。從者通名。門吏啓門。賓由中門
入。儀衛止儀門外。主人出迎。賓至外堂檐下。視
輿馬。揖讓入。如京官儀。出送至外堂檐下。視
輿馬。總督河道總督漕運總督與巡撫相見。總
督巡撫與學政鹽政織造。欽差官相見。提
督與總兵相見。提督總兵與巡撫相見。提督兼
世職子爵以上者與總督相見。直省鎮守將軍
副都統與督撫提鎮相見。總兵官與非所屬之
副將相見。副都統總兵官與司道相見。城守尉
與兩司相見。織造與督撫司道運司相見。關監
督係三品以上京堂職銜者與督撫提鎮司道
相見。兼銜或武職二品以下者與司道運司府
廳相見。司道運司府廳與副將相見。司道府廳
州縣與叅將游擊相見。布政使按察使府廳州
縣與都司相見。府廳州縣與守備千總相見。叅
將與副將游擊與非本轄之副將游擊與叅將
都司與非本轄之叅將游擊都司與守備千總

與把總相見。直隸州知州與知府。直隸州知州同
州判與府同知通判。知縣與府首領。州同州判
相見。均同。司道見學政。用銜名東。儀門外下轎。
由中門入。迎送堂檐下。行賓主禮。由中門步出。
學政隨用名東答拜。司道見巡察巡視御史。如
見學政儀。兩司首領官與府廳州縣相見。用名
東。由中門入。惟照磨知事見府廳。川晚生名東。
由左門入。皆行賓主禮。同知通判見知府。用晚
生名東。由中門入。行賓主禮。州縣佐貳見州縣
如之。教官見州縣。用治晚生名東。由中門入。行
賓主禮。士人敵體相見。迎送於大門外。餘如京
官相見儀。直省總督巡撫接見外藩國王禮。賓
至轅門。從官致辭。執事官轉啟。賓乘輿至大堂。
督撫延賓於大堂上。賓西面。主人東面。賓行一
跪三叩禮。主人答拜。與賓東。主人西。升階。各就
坐。從官階下北面西上。行一跪三叩禮。與執事
官獻茶。賓受茶揖。主人答。飲訖。令通事傳語慰
問。致辭。畢。從官階下跪一叩。先退。賓離席一叩。
辭。主人答。興。下階。送賓升輿。退。司道以下各
官接見。俱用賓主禮。傳語慰問。遞加和異。有

師生禮

國學生見國子師之禮。初見具名東。公服詣學。國學首領官引自東階升堂。北

面三揖。師立受。弟子侍立於左。退三揖如初。出若燕見。通名。俟於門內。師召入。迎於階上。弟子升階。揖從師入。北面再拜。師西面答揖。趨正師位。師命坐。北面揖。師位於西南。東北面。弟子西面。旅見則以次東西面。請問揖。茶至揖。辭退北。面三揖。師皆答。師出送前行。弟子從。及二門外。弟子三揖。俟師入。乃退。翰林院庶吉士見大學士。及教習庶吉士。儀同。直省儒學弟子見學師之禮同。凡弟子見師。儀皆同。凡卑幼見尊長。亦如弟子見師之儀。尊長不送。若尊長來見。則迎送於大門外。行各辨其儀節。遇於塗。郡王遇親

禮。坐次如儀。

各辨其儀節。遇於塗。

郡王遇親

貝勒。遇親王。郡王執事迴避。讓道旁行。貝子固倫額駙。鎮國公。遇親王。郡王勒馬鞠躬側立。道

旁候過。遇貝勒。讓道旁行。鎮國公。遇貝子固倫額駙。分路行。和碩額駙。郡王額駙。遇親王。郡王

下馬立。遇貝勒。勒馬側立。遇貝子固倫額駙。讓道旁行。遇鎮國公。分路行。輔國公。鎮國將軍。民

公都統。子尙書。遇親王郡王下馬立。遇貝勒勒馬側立。遇貝子固倫額駙讓道旁行。遇鎮國公及鎮國將軍都統子尙書。遇輔國公都統子尙書。遇和碩額駙郡主額駙皆分路行。輔國將軍副都統侍郎遇貝勒下馬立。遇貝子固倫額駙鎮國公勒馬側立。遇輔國公讓道旁行。遇鎮國將軍分路行。副都統侍郎遇和碩額駙郡主額駙民公都統子尙書縣主額駙讓道旁行。奉國將軍遇輔國公鎮國將軍勒馬側立。遇輔國將軍讓道旁行。叅領佐領遇貝子固倫額駙鎮國公叅領勒馬側立。佐領下馬立。遇和碩額駙郡主額駙輔國公鎮國將軍民公都統子尙書縣主額駙皆勒馬側立。遇輔國將軍副都統護軍統領步軍統領前鋒統領郡君額駙侍郎叅領讓道旁行。佐領勒馬側立。佐領遇奉國將軍一等侍衛護衛叅領前鋒叅領縣君額駙郎中讓道旁行。郎中員外郎主事遇和碩額駙郡主額駙縣主額駙民公都統子尙書皆勒馬側立。遇護軍統領步軍統領前鋒統領副都統侍郎郡君額駙郎中讓道旁行。員外郎主事勒馬側立。

員外郎主事遇一等侍衛護衛參領縣君額駙
郎中皆讓道旁行各部院司員遇堂官皆勒馬
候過護軍校驍騎校等官遇輔國公鎮國將軍
輔國將軍奉國將軍民公和碩額駙郡主額駙
都統子尚書縣主額駙副都統護軍統領步軍
統領前鋒統領領郡君額駙侍郎皆下馬立遇一
等侍衛護衛參領前鋒參領縣君額駙郎中勒
馬側立遇二等侍衛護衛鄉君額駙佐領員外
郎主事讓道旁行內大臣與都統同侯伯與民
公同男與副都統同輕車都尉與參領同騎都
尉雲騎尉與佐領同固倫公主與親王郡王遇
相讓尊長在先分路行和碩公主以下縣君以
上皆停車候過貝勒遇固倫公主讓道行遇和
碩公主郡主縣主郡君相讓分道行縣君遇貝
勒停車候過貝子遇固倫公主勒馬候過遇和
碩公主郡主縣主讓道行遇郡君縣君相讓分
道行閒散宗室遇親王以下輔國將軍以上皆
下馬遇和碩額駙民公以下大臣皆不下馬分
路行覺羅有職者凡迴避各視其品級無職者
遇親王以下輔國將軍以上皆下馬遇和碩額

駙民公都統尚書等官皆不下馬引馬迴避。

欽使遇應迴避者不下馬分路行民公以下

文武各官命婦以趨於門親王府門郡王過並

照本夫迴避例

鞠躬趨馬過隨從下馬親王福晉郡王福晉過

序長幼應下車者步行過不應下車者徑過隨

從婦女各從其主固倫公主和碩公主郡主縣

主過並隨從婦女皆不下車隨從人員皆下馬

郡君縣君過不下車隨從男婦皆下車馬貝子

和碩額駙民公以下過皆下馬貝勒夫人以下

過皆下車郡王府門與親王同貝勒府門貝子

鎮國公過不下馬隨從下馬輔國公和碩額駙

民公以下過皆下馬貝勒夫人過如福晉過親

王門郡君縣君過如郡主縣主過親王門貝子

夫人以下過皆下車

欽使過王府門皆不下馬亦如之

○凡官文書上行下行平行各別其制在京各

文宗人府用咨呈宗人府行各部院用咨六部

都察院行順天府用劄六部行太常寺太僕寺